

Cumegn da  
Tinizong-Rona

Lescha  
davart igl tigneir  
tgangs

## CUNTIGN

	<u>artetgel</u>	<u>pagina</u>
APPLICAZIUN	1	2
OBLIGAZIUN D'ANNUNZTGA	2	2
OBLIGAZIUN DA PAER LA TAXA	3	2
LIBERAZIUN DALLA TAXA	4	3
DIEVER DALLAS TAXAS DA TGANGS	5	3
MARCAS DA TGANGS	6	3
OBLIGAZIUN DA SURVIGILANZA DIGL POSSESSOUR DA TGANGS	7	4
VIOLAZIUN / SANCZIUNS	8	4
MULESTA E PRIEVEL ANTRAS TGANGS	9	4
LIS SCUMANDOS PER TGANGS	10	5
SURPASSAMANTS	11	5
RECURS	12	6
VIGOUR	13	6

## Art. 1

*Applica-  
ziun*

Tot igls abitants e giasts tgi possedan u tignan tgangs ed avdan permanentamaintg u per taimp limito aint igl cumegn da Tinizong-Rona è sottamess allas prescripziuns da chella lescha.

## Art. 2

*Obligaziun  
d'annunz-  
tga*

Mintga possessour da tgangs cun domicil aint igl cumegn da Tinizong-Rona è obliia d'annunztgier igl sies tgang alla canzleia communal scu suonda:

- an terma da treis meis siva la naschientscha digl tgang
- an terma da 15 deis siva dalla compra digl tgang
- an terma da 15 deis siva tg'igl possessour digl tgang ò piglia domicil aint igl cumegn.

## Art. 3

*Obligaziun  
da paer la  
taxa*

Cun l'annunztga ègl da paer ena taxa annuala per igl tgang.

Vignan ples tgangs tignias ainten la madema casada, vala per igl ampren la taxa simpla. Per mintga ulteriour vign la taxa augmentada. L'otezza dalla taxa è fixada ainten la lescha da taglia communal.

Las taxas ston neir paedas mintgamai all'antschatta digl onn calendaric, resp. igl pi tard 8 deis siva l'annunztga d'en tgang, eventualmaintg pro rata temporis.

#### Art. 4

*Liberaziun  
dalla taxa*

Libers dalla taxa, dantant betg dall'obligaziun d'annunztga èn:

- tgangs da pulizeia
- tgangs da lavegnas
- tgangs dad orvs e surds
- tgangs da catastrofas

tgi stattan an sarvetsch d'ena instituziun publica u d'ena organisaziun da liberaziun rancunascheida digl cume gn u tgi servan per accompagneders dad orvs e tgi on absolvia igls concerns examens da qualificaziun prescretgs.

#### Art. 5

*Diever  
dallas  
taxas da  
tgangs*

Las taxas da tgangs vignan duvradas:

1. per curveir igls costs administrativs tgi sa resultan antras l'execuziun da chella lescha.
2. per construeir e mantigneir igls indrezs publics tgi servan per tigneir igls tgangs a moda sanadevla ed igienica.

#### Art. 6

*Marcas da  
tgangs*

Annualmaintg, resp tiers l'annunztga, survign igl possessour d'en tgang ena marca da metal tgi stò neir farmada ve digl cularign digl tgang e tgi stò neir purtada adegna dachel. La marca vala a madem taimp scu quittance per la taxa paeda. Per cass tgi ena marca valevla vo a perder, stò igl possessour digl tgang retrer ena nova marca paiond

ena taxa administrativa.

#### Art. 7

*Obligaziun  
da survi-  
gilanza digl  
posses-  
sour digl  
tgang*

Igl è scumando da lascher trottar anturn tgangs sainza survigilanza. Els ston neir tignias alla tschinta, sch'igl è da tameir tg'els savessan bandunar la persunga tgi ò la survigilanza.

Igls possessours da tgangs èn obliias da procurar tg'igls tgangs fetschan betg lur dabasigns sen veias, passapeis, plazs e parcs publics e privats. Per chel intent duess ins far diever dallas cumoditads da tgangs. Tgangs malsangs u tals tgi corran ston neir tignias alla tschinta.

#### Art. 8

*Violaziun /  
sancziuns*

Tgangs tgi corran anturn sainza survigilanza u tgi portan nigra marca valevla, cun excepziun da tgangs da tgatscha durant la tgatscha bassa, pon neir tgappos digls organs forestals, da pulizeia e da tgatscha.

Vign igl possessour betg an terma da 5 deis per igl tgang, paiond ena taxa ed igls costs per pavlar, vignigl decidia tge far cuigl tgang sainza tg'igl possessour saptga pretender ena bonificaziun.

#### Art. 9

*Mulesta e  
prievel  
antras  
tgangs*

Igls possessours da tgangs on da procurar tgi chels na mulestan betg vaschigns e publicum antras canera, tschoffadad u otraveisa. Tgangs tgi on attatgea, smanatschea u mors carstgangs u animals ston neir tignias alla corda, ston purtar en butgal u

neir dismiss sainza indemnizaziun. Vignigl inoltro an chest risguard en'annunzta u en plant, relascha la suprastanza communal a ena decisiun correspondent.

#### Art. 10

*Lis scumandos per tgangs*

Igl è scumando da piglier tgangs ainten scolas, sen plazzas da giuier per unfants, ainten baselgias, santieris, hallas publicas da bogn e bogns libers, ainten buteias da victualias e localitads uffizialas. Excepziunos èn tgangs dad orvs. Mademamaintg ègl scumando da piglier tgangs sen pistas da skis e sen loipas da cursa lunga betg marcadas spezialmaintg per chel intent. Ainten parcs ston tgangs neir tignias alla corda, mademamaintg stonigl er neir tignias alla corda ainten ustareias e restaurants publics. Els dastgan neir pavlos angal cun vaschela speziala per tgangs. Els dastgan betg far diever da mobiglias da seser. Tigneir tgangs ainten buteias da victualias ed ainten ustareias e restaurants publics è scumando.

#### Art. 11

*Surpassamaints*

Surpassamaints da chella lescha vignan punias antras la suprastanza communal cun en castei d'anfignen 500.- fr. Las prescripziuns da leschas federalas e cantunalas restan resalvadas.

Per cass grevs so la suprastanza communal decider da dismetter igl tgang sainza tg'igl possessour saptga pretender en'indemnizaziun. Per cass tgi chel sneia d'adampleir igl cumond, vign igl animal dismiss antras la pulizeia.

Art. 12

*Recurs* Cunter decisiuns e disposiziuns dalla suprastanza communal pò neir fatg recurs. Decisiuns e disposiziuns ston cuntigneir igls meds legals tgi stattan an disposiziun agl pertutgia.

Art. 13

*Vigour* Chella lescha è neida appruada dalla radunanza da cumegn digls 09-02-2001 e vo an vigour cun l'approbaziun.

Tinizong-Rona, igls 10-02-2001

Igl mastral:

Igl actuar:

Mario Jegher

Mario Dosch